

卷之四

明州知府外郎江府丞趙德輝

以清純朴直自許學士趙世延子世昌

重正金谷記

新州知府外郎江府丞趙德輝

以清純朴直自許學士趙世延子世昌

重正金谷記

新州知府外郎江府丞趙德輝

以清純朴直自許學士趙世延子世昌

重正金谷記

新州知府外郎江府丞趙德輝

以清純朴直自許學士趙世延子世昌

重正金谷記

弘簡錄卷一百一十

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金后妃

昭祖后徒單氏 景祖后唐括氏 世祖后拏懶氏

肅宗后蒲察氏 附穆康 二后 太祖后 唐括氏 紇石烈氏 裴滿氏 僕散氏

妃 烏古論氏 蕭氏 太宗后唐括氏 熙宗后裴滿氏

海陵嫡母徒單氏 生母 太氏 后徒單氏 諸嬖附

世宗嫡母蒲察氏 生母 李氏 后烏林答氏 元妃 李氏

章宗母徒單氏 次室 劉氏 后蒲察氏 李氏 師見

宣宗后王氏 王元妃 哀宗后徒單氏 寶符 李氏

昭祖威順皇后徒單氏 渾水敵魯鄉徒單部人諱烏古論都葛

活刺父拔炭都魯海生女性剛毅人莫敢求室獻祖以昭祖
勇斷異常柔弱之女不可以配乃爲娶焉生二子長烏古廼次
烏古出次室達胡末烏薩札部人生跋黑僕里黑斡里安次室
高麗人生胡失答

景祖昭肅皇后唐括氏帥水隈鴉村唐括部人諱多保真父石
批德撒骨只巫者也生女有識度能置酒饌待賓客享鄰里迨
于行旅會景祖亦能飲食過人特爲娶焉遼使同幹來伐五
蒲聶部景祖使后與劾孫爲質於拔乙門而與同幹襲取之遼
主拜景祖爲節度使日與賓客會飲后內主供饋外竊聽之竊
日枚數其所爲無一忽忘有醉而喧呶者輒自歌以釋其忿
軍中有被笞罰者每以酒食慰諭之遇景祖行部輒與偕政事
獄訟皆參決焉沒後世祖兄弟用兵皆稟命而行勝負咸有驗

勸農月親課耕耘刈穫勉其勤於事者而訓厲晏出蚤休者后
往邑屯村遇桓赧兄弟與世祖肅宗有隙舉刃相向后起兩批
其手語之曰汝等皆故夫舊人奈何一旦遽與小兒子忿爭乎
因自歌解二人怒其後桓赧兄弟起兵來攻肅宗失利部人矢
束寬逃歸告后曰軍敗矣后方憂懣會康宗來報世祖已退烏
春兵與桓赧戰于北隘旬后乃喜生平不妒忌濶略女工能輯
睦宗族當時以爲有丈夫之度生九子次室注思灰生劾真保
又次溫廸痕氏名敵本生麻頗阿烏合滿謾都訶

世祖簡翼皇后孥懶氏生康宗次太祖次魏王幹帶次太宗次
遼王斜也次室徒單氏生衛王幹賽魯王幹者次室僕散氏生
漢王烏故乃次室术虎氏生魯王闡母沂王查刺次室烏古論
氏生鄒王昂簡翼以大安元年卒

肅宗靖宣皇后蒲察氏太祖將舉兵伐遼入告于后后曰汝邦家之長見可則行吾老矣無貽我憂太祖感泣奉觴爲壽卽奉后出門酌酒禱天后命太祖正坐號令諸將以後每出師還輒率諸將上謁獻所俘獲穆宗貞惠皇后烏古論氏康宗敬僖皇后唐括氏生楚王宗雄次室溫都氏生昭武大將軍同剌苗次室僕散氏坐事早死生龍虎大將軍隈可以上諸后俱天會十五年追諡自太祖正大位凡后皆不娶族必於甥舅之家諸妃亦無位號

太祖嫡后唐括氏生景宣帝宗峻豐王烏烈趙王宗傑天會十三年追諡聖穆皇后仍贈父留速太尉榮國公祖迭胡本司徒英國公曾祖劼廼司空溫國公次室裴滿氏生遼王宗幹同年追諡光懿皇后又次紇石烈氏生宋王宗望陳王宗隲

卷之二十三 爲太皇太后宮

宗朝于慶元宮然後御乾元殿受羣臣賀是月崩諡睿宗
曰欽憲熙宗以有保佑功與聖穆三后並祠太祖廟室 又次
僕散氏生睿宗宗輔及幽王訛魯朶天會十三年追冊德妃大
定元年追謚宣獻皇后併祠太廟 元妃烏古論氏生梁王宗
弼衛王宗強蜀王宗敏 崇妃蕭氏生紀王習泥烈息王寧吉
莒王燕孫熙宗時封爲貴妃天德二年正月進元妃是月又進
太妃海陵母大氏事之甚謹每有宴集太妃上坐大氏執婦禮
海陵積不能平誣以隱惡殺之併殺少子任王隈喝大定十九
年詔改葬命太宗正丞宗安監護葬事遣使致祭上欲復太妃
舊號從禮官議非以子貴不得稱太止當追復妃號乃封崇妃

娘子獨奴可生鄴王幹忽

太宗后唐括氏熙宗雖受宗磐猶畏物論矯情加以存恤與欽
憲俱尊爲太皇太后號明德宮贈后父阿魯朮太尉宋國公祖
實匹司徒英國公曾祖阿魯瑱司空溫國公自欽憲崩後每歲
旦節朔上朝明德宮然後御乾元殿受賀歲以爲常皇統元年
上自燕京還朝謁于明德宮明年上如天開殿皇子生使者馳
報太后至天開殿上與皇后親迎之二年崩諡曰欽仁皇后祔
葬恭陵四月上奉祭伏哭盡哀

熙宗后裴滿氏婆盧木部人父達本名忽撻爲人淳直孝友天
輔六年從蒲家奴追叛寇於鐵呂川力戰有功天眷元年授世
襲猛安后初封貴妃立爲皇后拜忽撻太尉封徐國公奉朝請
贈曾祖斜也司空祖鶻沙司徒皇統元年羣臣上尊號冊爲慈
明恭孝順德皇后除忽撻會寧牧二年太子濟安生熙宗喜甚

大赦告天地宗廟彌月冊爲皇太子封后父爲王賜人口馬牛
羊橐駝隨朝職官並遷一資以後漸次干預政事頗掣制帝無
所忌憚朝官依之者往往得至顯貴宰相奔走其門因見帝臨
御數年繼嗣不立左丞相亮方有寵聞其生日后附賜禮物帝
聞之從此積怒遂殺后海陵弑帝欲收人心以要衆譽恭揚熙
宗過惡言其死無罪追諡爲悼皇后仍封忽撻爲王天德三年
薨子忽覲爲燕京留守以罪免居中都海陵命馳驛計之及葬
使秘書監納合椿年致祭賻銀五百兩復起忽覲爲鄭州防禦
使改安國軍節度使大定間復熙宗帝號加諡后爲悼平皇后
耐葬思陵賢妃生魏王道濟皇統三年命爲中京留守以直
學士阿懶爲都點檢張玄素爲同點檢左右輔導之母初居外
至是養之宮中未幾熙宗怒亦殺之

海陵嫡母徒單氏德宗正室無子次室李氏生鄭王克養以爲子又次大氏生三子長卽海陵徒單氏賢遇下有恩大氏事之甚謹相得歡甚怒充嗜酒常切責之反愛海陵海陵自以母與徒單嫡妾分懸心常不安及聞弑僖宗與太祖妃蕭氏相顧愕然曰帝雖失道人臣可至此徒單入宮見海陵不爲慶賀海陵銜之未幾徒單與大氏俱尊爲皇太后贈后父蒲帶與大氏父俱贈太尉封王值海陵生日飲燕大氏起爲壽徒單方與諸宗婦公主語因踞久之海陵怒而出明日召諸人與徒單語者皆杖之大氏勸謂不可答以今日豈可尚如前時自是嫌隙愈深海陵旣遷中都獨留徒單於上京心常憂懼每中使至必易衣以俟命大氏在中都常思念太后每生日必遣秘書監納合椿年上壽及大氏病篤謂海陵曰徒單太后待吾母子甚厚慎毋

相忘汝以我故不令兩宮偕來

我死必迎喪事之

我會遣右丞相僕散師恭宗正丞叻拔魯往上京奉還山陵因
命迎太后俱來繼使平章蕭玉往頭寧迎祭梓宮海陵謂玉曰
醫巫閭山多佳致祭奠禮畢可奏太后於山水佳處遊覽及至
流沙河駕親迎謁梓宮遂謁見太后至卽命左右約杖二束自
隨跪於太后前請曰亮不孝久闕血清願太后痛笞之后下親
扶之起叱杖者使去曰今庶民有充家子立百金之產尚且愛
之有子如此寧忍笞乎既至帥百官郊迎入居壽康宮是日上
及後宮宰臣以下奉觴上壽極歡而罷在宮中外極恭順太后
坐起自扶掖之常從輿輦徒行所進御物或自執之見者嘉上
至孝后亦信爲誠然以諫伐宋海陵不喜每謁后還必忿怒人
不知其所以遷汴居于寧德宮后使侍婢高福娘問起居卽勃

幸之反令伺太后動靜福娘夫特未哥教以增飾語言及樞密
僕散師恭往征契丹辭謁太后與語久之因言國家世居上京
旣徙中都仍復至汴今又興兵伐宋遠涉江淮疲弊中國我嘗
諫止不聽復事契丹如此奈何福娘以告海陵因念昔嘗以充
爲子今充四子已皆長成恐師恭將兵在外太后或有異圖乃
語點檢大懷忠翰林待制幹論尚衣局使虎特末武庫直長習
失使殺太后命護衛高福辭勅蒲速幹從以兵士四十戒之曰
汝等見目但言有詔令太后跪受卽擊殺之勿令艱苦懷忠等
如其言仆而復起者再福等乃縊殺之年五十三焚于宮中棄
于水次并殺同乳妹安特及郡君白散阿魯瓦又察乳母南撒
侍女阿斯幹里保寧德官護衛溫德罕查刺直長王家奴撒八
小底忽沙等又殺充子檀奴阿里白元奴耶補兒逃匿歸世

宗自軍中名師恭還殺之及殺阿斯子孫撒八二子忽沙二子
封高福娘爲郾國夫人許征南回以爲妃賜銀二千兩以特未
哥爲澤州刺史勅戒無酣酒毆福娘毆必殺汝其嬖幸若此大
定間諡曰哀皇后特未哥與福娘皆伏誅先是海陵旣得志大
氏歡甚平日春秋高飲酒不過數杯至是沉醉上使中使奏見
太后飲醉甚爲可樂贈曾祖堅嗣司空祖臣實司徒父昊天太
尉國公又進爲王兄興國奴開府儀同三司衛國公及有疾徧
求方藥賜錢至十萬貫不得效崩日詔尚書省應隨朝官自四
月十九日爲始至五月一日方治事凡禁樂一月外路自詔書
已到後官司三日不治事禁樂一月聲鐘七晝夜貞元三年大
祥將遷山陵梓宮猶在敢所率後宮親奠哭之親行冊禮諡曰
慈憲皇后九月與德宗合葬于大房山升祔太廟後與徒單后

皆削去諡號徒單爲遼王妃大氏與順妃李氏寧妃蕭氏文妃
徒單氏並降爲遼王夫人

海陵后徒單氏父恭外戚有傳后初封岐國妃天德二年改封
惠妃九月立爲皇后生太子光英三年十一月二十一日后生
日百僚稱賀於武德殿后因太子生居深宮之中不知民間稼
穡之務乃繪農夫織婦艱苦之狀爲圖以賜遇上生日太子轉
以爲獻帝大異之與侍臣締觀亟稱其賢命藏以絳囊久之後
官寢多后寵頗衰希得進見光英保母張氏嘗爲海陵所幸耶
律徹在北京與海陵游從令其妻侯氏入宮侍后亦幸之徹本
名神涅負宮錢二千六百餘萬皆尙除免及幸南京備法駕
玉輅與后共載而入伐宋留后居被弑後后徙中都居
氏故宮頃之世宗憐其無依詔歸其父母家歲賜錢

奴婢皆給官廩大定十年卒時帝逞欲無厭後宮諸妃十二位
又有昭儀至克媛九位婕妤美人才入三位殿直最下其他不
可舉數自皇后而下第二娘子大氏封貴妃進惠妃第三娘子
蕭氏初封昭容後進淑妃耶律氏初封修容進昭媛昭儀貞元
元年又進大氏妹妃正隆二年至元妃蕭氏貞元二年進封宸
妃耶律氏貞元三年進封麗妃此猶在卽位之初尚有尊卑之
序等威之辨以後侈心益萌淫肆蠱惑從姊妹幹離不女壽寧
縣主什古喪夫寡居兀术女靜樂縣主蒲刺及習撚宗雋女師
姑兒再從姊妹宗本女混同郡君莎里古真與妹餘都母黨表
兄張定安妻奈刺忽麗妃耶律氏妹蒲魯胡只咸使高師姑內
哥阿古等傳達言語與之私通進封蒲刺壽康公主什古昭寧
公主莎里古真壽陽縣主分屬諸妃位下奈刺忽屬元妃位蒲

魯胡只屬麗妃位莎里古真餘都屬貴妃位什古重節屬昭妃
位蒲刺師姑兒屬淑妃位每當赴召先於暖位小殿置琴阮其
中時什古已色衰常譏訕之以爲笑樂餘都貌亦不揚肌膚潔
白可愛惟習撚莎里古真最寵恃勢管決其夫習撚夫稍喝押
護衛直宿古真夫撒速近侍局直宿海陵輒謂之曰爾妻年少
遇直宿不可令宿於家常令在妃位下每召入必親伺候廊下
立久則坐於高師姑膝上戲以汝爲天子何勞苦如此答曰妾
固以天子易得此等期會真難得乃爲可貴其臥內嘗遍設絳
衣各相保遂爲戲又聞古真等在外亦恣淫佚大怒罵曰爾愛
貴官有貴如天子者乎爾愛人才有士兼文武似我者乎爾愛
娛樂有豐富倖岸過於我者乎少頃氣咽不能言復撫慰之曰
無謂我聞知便爾慚惡遇燕會當行士自如無爲衆所測度恐

致非笑其無所忌耻如此又先宮人在外有夫者皆分番出人欲率意幸之盡遣其夫往上京婦人皆不聽出外常令教坊番直禁中每行幸必使奏樂撤其幃帳使人見及說淫穢語其前遇室女不得遂使元妃以手左右之凡妃嬪列坐皆衣率意開敞共觀傍令人效其形狀宮皆以爲笑仍禁

男子不得舉首違者刖其目女使闕懶有夫在外封以縣君

幸之惡其有娠飲以麝香水躬自揉拉其腹竟墮其胎蒲察

虎迭女父察乃姊慶宜公主所生嫁秉德之弟特里秉德誅

連坐太后使梧桐請而得免白欲納之太后曰是兒始生先

親抱至家養之至于成人帝雖舅猶父也不可其後嫁宗室安

達海之子乙刺補因數使人諷納之有完顏守誠者本名遏里

來與父察素通事覺殺之太后爲父察求哀得釋復爲家奴告

以守誠死。詈上語涉不道。遂自臨問殺之。阿里虎姓蒲察氏。駙馬沒里野女初嫁宗盤子阿虎迭。誅再嫁宗室南家。又死。時南家父突葛速爲元帥都監。與海陵皆從元木南京。欲取之。突葛速不從。遂止。及篡位。方三日。詔遣阿里虎歸父母家。閱兩月。納之。特封賢妃。進昭妃。以素嗜酒。爲海陵責讓。不聽。由是寵衰。因與前夫阿虎迭所生女。鄰國夫人重節。淫亂。進封蓬萊縣主。阿里虎怒。重節批其頰。頗有詆訾之言。海陵聞之。愈不悅。誣以衣遺前夫之子。將殺之。徒單后率諸妃嬪求哀。得免。有侍女勝哥。例以諸妃皆克假厮兒服。男子云冠。嘗與臥起。厨婢三娘以告海陵。不以爲疑。惟戒勿管箠三娘。阿里虎撈殺之。以是月光英生忌。不行戮。自知不免。卽不食。口焚香禱祝。逾月已頽斃。不知所爲。因使人縊殺之。併殺侍婢三娘者。彌勒姓耶律。